

**Polis Ambil Keterangan Tun M**  
**MStar Online**  
**24 Februari 2016**  
**Oleh: JASTIN AHMAD TARMIZI**

KUALA LUMPUR: Polis mengambil keterangan Tun Dr Mahathir Mohamad berhubung kenyataannya di blog, kata Ketua Polis Negara, Tan Sri Khalid Abu Bakar.

"Kita telah aturkan untuk mengambil keterangan beliau. Saya rasa ia sedang berjalan sekarang," kata Khalid kepada pemberita selepas majlis di ibu pejabat polis Bukit Aman pada Rabu.

Khalid bagaimanapun enggan mengulas ketika ditanya mengenai lokasi perjumpaan polis dengan Dr Mahathir.

Beliau menjelaskan bahawa ia diadakan di sebuah tempat awam yang diaturkan oleh bekas perdana menteri itu.

Ditanya sekiranya lokasi berkenaan adalah pejabat Dr Mahathir di Putrajaya, Khalid berkata: "Mungkin."

**Tags / Kata Kunci:**

Dr Mahathir Mohamad , Khalid Abu Bakar

**Hakcipta Terpelihara © 2016 Star Media Group Berhad (ROC 10894D)**

Source: <http://www.mstar.com.my/berita/berita-semasa/2016/02/24/polis-rakam-kenyataan-tun-m/>